

# **Reglur félagsmálaráðs Akureyrar um fjárhagsaðstoð.**

## **1. kafli. Almenn atriði.**

1.gr.

### **Fjárhagsaðstoð**

Hverjum manni er skylt að framfæra sjálfan sig, maka sinn og börn yngri en 18 ára. Sveitarfélag skal tryggja að íbúar geti þetta, enda sé það ekki í verkahring annarra aðila svo sem almannatrygginga, atvinnuleysistrygginga, lífeyrissjóða eða sjúkrasjóða stéttarféлага.

Skylt er að veita fjárhagsaðstoð til framfærslu einstaklinga og fjölskyldna sem ekki geta séð sér og sínum farborða án aðstoðar, sbr. IV. og VI. kafla laga um félagsþjónustu sveitarféлага, nr. 40/1991, með síðari breytingum.

Heimilt er að veita einstaklingum og fjölskyldum aðstoð vegna sérstakra aðstæðna, m.a. vegna heimilisstofnunar, náms eða óvæntra aðstæðna, sbr. IV. kafla reglna þessara.

Gefa skal sérstakan gaum að fjárhagslegum og félagslegum aðstæðum barnafjölskyldna og meta sérstaklega þarfir barna vegna þátttöku þeirra í þroskavænlegu félagsstarfi.

Fjárhagsaðstoð skal veitt í eðlilegum tengslum við önnur úrræði félagsmálaráðs, svo sem ráðgjöf og leiðbeiningar, í samræmi við V. kafla laga um félagsþjónustu sveitarféлага.

Við meðferð og vinnslu umsókna ber að sýna umsækjanda fyllstu virðingu og gæta trúnaðar um málefni hans.

2.gr.

### **Tímabil samþykkis.**

Fjárhagsaðstoð skal að öðru jöfnu greidd einn mánuð í senn og skulu ákvarðanir um aðstoð að jafnaði ekki ná yfir lengra tímabil en þrjá mánuði. Aðstæður þeirra sem hafa fengið fjárhagsaðstoð í 6 mánuði samfelld skulu kannaðar sérstaklega og félagslegri ráðgjöf beitt ásamt öðrum viðeigandi úrræðum.

3.gr.

### **Fjárhagsaðstoð aftur í tímann.**

Fjárhagsaðstoð er aldrei veitt lengra aftur í tímann en fjóra mánuði frá því að umsókn var lögð fram. Rökstuddar ástæður verða að réttlæta aðstoð aftur í tímann og verður skilyrðum fjárhagsaðstoðar að vera fullnægt.

4.gr.

#### **Form fjárhagsaðstoðar.**

Fjárhagsaðstoð skal að jafnaði veitt sem styrkur. Fjárhagsaðstoð er einungis veitt sem lán óski umsækjandi þess eða könnun á aðstæðum leiðir í ljós að eðlilegt sé að gera kröfur um endurgreiðslur með tilliti til eigna og framtíðartekna.

5. gr.

#### **Um fjárhagsaðstoð sem veitt er í formi láns.**

Skilyrði fyrir fjárhagsaðstoð í formi láns er að umsækjandi notfæri sér greiðsluþjónustu banka eða sparisjóða, enda liggi fyrir mat á endurgreiðslugetu umsækjanda. Framfærslulán er óheimilt að veita lengur en 3 mánuði samfellt.

Ef veita á fjárhagsaðstoð sem lán og fyrir liggur að umsækjandi er þegar með eldra lán hjá Fjölskyldudeild skal gera eldra lánið upp eða sameina það nýrri lánveitingu. Skilyrði er að umsækjandi veiti skriflegt samþykki fyrir reglulegri skuldfærslu fyrir afborgunum lánsins af reikningi sínum. Ef um lán er að ræða vegna húsaleigu eða tryggingargjalds skal lánið að öllu jöfnu endurgreiðast með húsaleigubótunum. Framfærslulán skulu endurgreiðast í einni greiðslu þegar lántaki fær þær tekjur sem von er á, s.s. frá Tryggingarstofnun ríkisins.

6.gr.

#### **Réttur til fjárhagsaðstoðar.**

Fjárhagsaðstoð er veitt einstaklingum og fjölskyldum. Sérhver fjárráða einstaklingur sem á lögheimili á Akureyri á rétt á að leggja fram umsókn. Skylt er að veita fólki í neyð sem dvelur á Akureyri tímabundna aðstoð. Skal um það haft samráð við lögheimilissveitarfélag og aðstoð metin og veitt í samræmi við reglur þess enda endurgreiði lögheimilissveitarfélag aðstoðina.

Fólk sem er í skráðri sambúð í þjóðskrá á sama rétt til fjárhagsaðstoðar og hjón. Þeim sem sækir um aðstoð samkvæmt reglum þessum er skylt að leita sér að atvinnu og taka þeirri atvinnu er býðst nema veikindi, örorka, aldur eða aðrar gildar ástæður hamli því.

Einstaklingum sem búa hjá foreldrum eða öðrum nánum ættingjum skal að jafnaði reikna hálfu grunnfjárhæð á mánuði eða mismun á þeirri upphæð og tekjum þeirra. Einstaklingum sem ekki hafa húsnæðiskostnað skal að jafnaði reikna 2/3 af grunnfjárhæð.

Einstaklingar yngri en 18 ára, eiga alla jafna ekki rétt á fjárhagsaðstoð í eigin nafni.

7.gr.

#### **Námsmenn**

Einstaklingar sem stunda nám sem er lánshæft hjá Lánasjóði íslenskra námsmanna geta að öðru jöfnu ekki sótt um fjárhagsaðstoð. Aðrir námsmenn eiga ekki kost á fjárhagsaðstoð nema fullnægt sé skilyrðum 24. gr. reglna þessara um námsstyrki.

8.gr.

### **Neysla**

Heimilt er að synja umsækjendum um fjárhagsaðstoð sem eru í neyslu áfengis- eða annarra vímuefna en bjóða aðstoð til að fara í áfengis/vímuefnaeðferð. Heimilt er að veita þessum aðilum ½ grunnfjárhæð í sérstökum undantekningartilvikum.

## **II. kafli.**

### **Umsókn um fjárhagsaðstoð**

9. gr.

#### **Umsókn**

Umsókn skal undirrita á sérstök umsóknareyðublöð, þar sem fram koma upplýsingar um umsækjanda, þar með talið lögheimili, fjölskyldugerð, nafn maka og barna á framfæri og nákvæmar upplýsingar um tekjur og eignir. Umsókn skal fylgja staðfest skattframtal sl. árs, staðgreiðsluyfirlit skatta frá yfirstandandi ári ásamt yfirliti yfir allar tekjur og aðrar greiðslur til umsækjanda og maka hans þann mánuð sem umsóknin er lögð fram og mánuðinn á undan, þar með taldar greiðslur frá Tryggingarstofnun ríkisins, lífeyrissjóðum, Atvinnuleysistryggingarsjóði, sjúkrasjóðum stéttarfélaganna eða öðrum aðilum. Umsókn skulu einnig fylgja upplýsingar um útgjöld t.d. húsaleigu sé þess óskað. Heimilt er að undirritun gildi einnig næstu tvo mánuði á eftir, enda liggi fullnægjandi upplýsingar fyrir.

Umsækjandi getur veitt öðrum skriflegt umboð til að sækja um aðstoð fyrir sína hönd.

10.gr.

#### **Atvinnuleysi**

Þegar umsækjandi er atvinnulaus skal hann framvísa staðfestingu frá Vinnumálastofnun sem staðfestir atvinnuleysi og atvinnuleit hans. Hafi umsækjandi ekki fengið atvinnuleysisbætur vegna veikinda skal hann framvísa læknisvottorði. Hafi hann ekki skráð sig hjá Vinnumálastofnun án viðhlítandi skýringa missir hann rétt til fjárhagsaðstoðar fyrir það tímabil.

Hafi umsækjandi, sem er atvinnulaus, hafnað atvinnu, þátttöku í atvinnu eða virkniúrræðum eða sagt starfi sínu lausu að tilefnislausu er heimilt að lækka fjárhagsaðstoð þann mánuð sem hann hafnar vinnu eða úrræðum og mánuðinn þar á eftir eða í tvo mánuði. Að öllu jöfnu skal miða við neyðaraðstoð eða sem nemur 1/3 af framfærslugrunni.

11. gr.

#### **Erlendir ríkisborgarar**

Í þeim tilvikum að umsækjandi er erlendur ríkisborgari ber honum að framvísa dvalarleyfi. Sé erlendur ríkisborgari með dvalarleyfi á þeim forsendum að skyldur aðili ábyrgist framfærslu hans, á hann að jafnaði ekki rétt á fjárhagsaðstoð.

12. gr.

#### **Skyndiaðstoð**

Heimilt er að veita skyndiaðstoð í neyðartilvikum án þess að öll gögn liggi fyrir. Skal þetta gert að mati starfsmanns og í samráði við yfirmann sé þess kostur. Fullunnin umsókn skal lögð fyrir næsta afgreiðslufund.

13. gr.

#### **Upplýsingaskylda.**

Skylt er að veita starfsmönnum Fjölskyldudeildar upplýsingar úr skattframtölum þeirra sem leita fjárhagsaðstoðar. Sama gildir um upplýsingar úr skattaframtölum lögskylds framfæranda, enda hafi umsækjandi veitt Fjölskyldudeild umboð til að afla þessara upplýsinga, sbr. 24. gr. laga um félagsþjónustu sveitarfélaga.

14. gr.

#### **Upplýsingar um tekjur og fjárhag umsækjenda.**

Starfsmaður Fjölskyldudeildar skal, ef þörf krefur, afla frekari upplýsinga um tekjur og eignir umsækjanda, m.a. hjá skattayfirvöldum, atvinnurekendum, Tryggingastofnun ríkisins, lífeyrissjóðum og Atvinnuleysistryggingasjóði. Einnig skal afla upplýsinga um önnur atriði, t.d. félagslegar aðstæður, eftir því sem umsókn gefur tilefni til. Ofangreind upplýsingaöflun skal gerð í samráði við umsækjanda. Neiti umsækjandi að veita upplýsingar um fjárhag sinn eða maka eða að afla sé upplýsinga hjá öðrum aðilum stöðvast afgreiðsla umsóknar hans.

### **III. kafli.**

## **Mat á fjárþörf og útreikningur fjárhagsaðstoðar**

15. gr.

#### **Mat á fjárþörf.**

Við ákvörðun á fjárhagsaðstoð skal grunnfjárþörf til framfærslu lögð til grundvallar og frá henni dregnar heildartekjur.

Tekið skal tillit til sérstakra aðstæðna eftir því sem við á sbr. IV. kafla þessara reglna.

16. gr.

#### **Framfærslugrunnur.**

Fjárhagsaðstoð til einstaklings 18 ára og eldri tekur mið af útgjöldum vegna daglegs heimilishalds og getur numið allt að kr. 151.573 á mánuði. Framfærslugrunnur vegna einstaklinga hefur stuðulinn 1.0 en vegna hjóna og fólks í sambúð 1.6. Ofangreind upphæð breytist í janúar ár hvert samkvæmt hækkun neyslúvísitölu milli ára.

Mat á fjárhagsaðstoð er óháð því hvort barn eða börn búa á heimilinu.

17. gr.

#### **Tekjur og eignir umsækjanda.**

Allar tekjur umsækjanda og maka ef við á, í þeim mánuði er sótt er um og mánuðinum á undan eru taldar með við mat á fjárþörf. Með tekjum er átt við allar tekjur og greiðslur til umsækjanda og maka, þ.e. atvinnutekjur, allar greiðslur frá Tryggingastofnun ríkisins nema greiðslur með börnum, greiðslur úr lífeyrissjóðum og sjúkrasjóðum stéttarfélaga, atvinnuleysisbætur, leigutekjur o.s. frv. og koma þær til frádráttar. Miða skal við heildartekjur áður en tekjuskattur hefur verið dreginn frá.

Greiðslur vegna barna teljast ekki til tekna enda ekki reiknað með framfærslukostnaði þeirra við mat á fjárþörf.

Húsaleigu og vaxtabætur eru ekki reiknaðar til tekna. Gert er ráð fyrir að húsnaðiskostnaði verði fyrst og fremst mætt með greiðslum vaxta- og húsaleigubóta, en einnig er gert ráð fyrir honum í grunnfjárhæð.

Eigi umsækjandi, maki hans eða sambýlingur, eignir umfram íbúðarhúsnaði og eina fjölskyldubifreið, skal honum vísað á lánaþinggreiðslu banka þó að tekjur hans séu lægri en grunnfjárhæð. Hafi hann hagnast af sölu eigna eða með öðrum hætti, síðastliðna 12 mánuði getur það skert eða útilokað rétt hans til fjárhagsaðstoðar.

18. gr.

#### **Greiðslur meðlags.**

Þegar tekjur umsækjanda eru við eða lægri en grunnfjárhæðin skal taka tillit til meðlagsgreiðslna með barni eða börnum sem umsækjandi hefur greitt með reglulega fram að þeim tíma að hann fær fjárhagsaðstoð. Hækkar fjárhagsaðstoðin sem nemur einu meðlagi eins og það er á hverjum tíma með hverju barni. Umsækjandi skal sýna fram á að hann hafi staðið í skilum með meðlag a.m.k. undanfarna þrjú mánuði. Átt er við meðlagsgreiðslur hverju sinni, en ekki uppsafnaðar meðlagsskuldur.

19. gr.

#### **Atvinnurekendur og sjálfstætt starfandi einstaklingar.**

Atvinnurekendur og sjálfstætt starfandi einstaklingar, sem hafa lægri tekjur en sem nemur grunnfjárhæð, eiga rétt á fjárhagsaðstoð að því tilskyldu að þeir hafi stöðvað atvinnurekstur sinn og leitað réttar síns til atvinnuleysisbóta í samræmi við ákvæði laga um atvinnuleysistryggingar, nr. 54/2006.

20. gr.

#### **Mat á tekjum bænda.**

Stundi umsækjandi búrekstur skal mat á tekjum byggt á skattframtali síðasta árs vegna umsókna sem berast fyrir 1. júlí, en með umsóknum sem berast síðar skal einnig fylgja rekstrar- og efnahagsyfirlit uppfært til 30. júní sl. Þá liggi einnig fyrir greiðslumark búsins, breytingar á bústofni, yfirlit yfir eignir og skuldir aðrar en þær er tengjast viðkomandi rekstri, auk tekna utan bús undanfarna tvo mánuði. Fjárhagsaðstoð skal miða við framfærslugrunn sbr. 16. gr.

### **IV. Kafli.**

#### **Heimildir vegna sérstakra aðstæðna.**

21. gr.

#### **Aðstoð til foreldra vegna barna á þeirra framfæri.**

Heimilt er að veita sérstaka fjárhagsaðstoð til tekjulágra foreldra sem eru með forsjá barna sinna. Um er að ræða aðstoð til að greiða eftirfarandi:

- a) daggæslu barna í heimahúsum, leikskóla, skólamáltíðir, skólavistun.
- b) sumardvöl og/eða þátttöku barna í þroskandi félags- og tómstundastarfi.
- c) sérstakan kostnað vegna skóla og tímstunda s.s. ferðakostnað, fatnað og skólavörur.
- d) kostnað vegna fermingar.
- e) lækni- og lyfjakostnaðar.
- f) náms 16 og 17 ára barna. Styrkurinn skal miða að því að greiða áætlaðan bókakostnað og skólagjöld.

Ætíð skal vera um tímabundna aðstoð að ræða sem sætir endurskoðun á þriggja mánaða fresti. Viðmiðunarmörk aðstoðar með hverju barni eru að hámarki 45.000 kr. á mánuði..

Í þeim tilvikum þar sem um er að ræða sérstök meðferðar- og/eða stuðningssjónarmið eða **fyrirbyggjandi starf á sviði barnaverndar**, er heimilt að veita foreldrum styrk sem nemur heildarkostnaði eða hluta hans vegna liða a) til e) hér að ofan. Ávalt skal liggja fyrir samkomulag um félagslega ráðgjöf. Ætíð skal vera um tímabundna samþykkt að ræða, sem sætir endurskoðun á þriggja mánaða fresti.

Þegar metið er hvort veita skuli aðstoð skv. þessari grein skal horft til heildartekna fjölskyldunnar og er þá átt við, atvinnutekjur, bótagreiðslur frá T.R. þ.m.t. mæðra og feðralaun, greiðslur úr lífeyrissjóðum, atvinnuleysisbætur, leigutekjur, menntunarlífeyrir og greiðslur vegna barna eins og meðlög og barnabætur.

22. gr.

#### **Námskostnaður barna í skóla fjarri heimabyggð.**

Ef sérstök meðferðar og /eða stuðningssjónarmið mæla með því, er heimilt að taka sérstakt tillit til námskostnaðar barna tekjulágra foreldra sem ekki geta sótt framhaldsskóla í heimabyggð. Við mat á fjárförf skal taka mið af aðstæðum fjölskyldu, m.a. fjárhag hennar og fjarlægð skóla frá heimili. Skilyrði fyrir aðstoð vegna náms barna fjarri heimabyggð er, að sótt hafi verið um námsstyrk samkvæmt lögum um námsstyrki nr. 79/2003 og fjárförf síðan metin að teknu tilliti til námsstyrksins.

23. gr.

#### **Endurhæfing**

Heimilt er að veita fjárhagsaðstoð til einstaklinga sem eru í endurhæfingu svo sem í námi hjá Menntasmiðjunni, starfsendurhæfingu á PBI eða sambærilegum úrræðum. Endurhæfingarátætlun skal liggja fyrir í samráði við ráðgjafa á Fjölskyldudeild. Aðstoðin skal miðast við grunnfjárhæð/dvalargjald ásamt tilfallandi kostnaði. Ákvörðun skal einungis tekin í 4-5 mánuði í senn og eftir það endurmetin. Heimilt er að veita aðstoð vegna ferðakostnaðar og vasapeninga til einstaklinga sem eru að fara í áfengismeðferð og/eða aðra vímuefnaðferð og aðstoð vegna dvalargjalds á áfangheimili.

24. gr.

#### **Námsstyrkir.**

Námsstyrki er heimilt að veita í eftirfarandi tilvikum og aðstoðin miðast við grunnfjárhæð ásamt almennum skólagjöldum og bókakostnaði.

- a) til einstaklinga 18-24 ára sem ekki hafa lokið grunnskóla eða framhaldsskóla og hafa átt við mikla félagslega erfiðleika að stríða.
- b) til einstæðra foreldra 18-24 ára, sem ekki hafa lokið grunnskóla eða framhaldsskóla og hafa haft atvinnutekjur undir 1.500.000 kr. undanfarna tólf mánuði. Skilyrði er að umsækjandi hafi átt í félagslegum erfiðleikum.
- c) Til einstaklinga sem hafa verið atvinnulausir án bótaréttar eða þegið fjárhagsaðstoð í sex mánuði eða lengur og hafa ekki lokið grunnnámi sem gefur rétt á námsláni.

Leggja þarf inn umsókn tveimur mánuðum áður en nám hefst.

Miðað skal við að námið leiði til þess að nemandi fái starfsréttindi eða geti síðar hafið nám sem er lánshæft hjá Lánasjóði íslenskra námsmanna. Ákvarðanir um námskostnað skulu teknar fyrir hverja önn og er heimilt að halda námsaðstoð áfram með hliðsjón af námsframvindu. Tekjur sem umsækjandi kann að fá, reiknast honum til tekna. Gera skal samkomulag um félagslega ráðgjöf þar sem fram kemur m.a. hvernig skuli staðið að skilum varðandi skólasókn, námsframvindu og einkunnir en þeim skal þó ætíð skila í annarlok.

25. gr.

#### **Styrkur vegna húsbúnaðar.**

Fjárhagsaðstoð til kaupa á húsbúnaði er heimil í eftirfarandi tilvikum:

- a) til einstaklings, sem hefur lægri tekjur en sem nemur grunnfjárhæð, er eignalaus eða er að stofna heimili eftir a.m.k. tveggja ára dvöl á stofnun.
- b) Til eignalausra einstaklinga, með tekjur við eða undir grunnfjárhæð, sem hafa átt í miklum félagslegum erfiðleikum og/eða átt við mikil veikindi að stríða.

Viðmiðunarmörk aðstoðar eru allt að 100.000 kr.

Húsbúnaðarstyrkir greiðast að jafnaði aðeins einu sinni.

26. gr.

#### **Greiðsla sérfræðiaðstoðar.**

Heimilt er að veita fjárhagsaðstoð til greiðslu nauðsynlegra tannlækninga til einstaklinga sem hafa notið fjárhagsaðstoðar til framfærslu í lengri tíma, hafa átt við atvinnuleysi að stríða eða hafa verið tekjulágir í lengri tíma. Hámark aðstoðar skal vera 55.000 kr. á ári. Kostnaðaráætlun tannlækni skal ávallt fylgja með umsókn.

Heimilt er að veita fjárhagsaðstoð til greiðslu læknis- og lyfjakostnaðar til einstaklinga sem hafa notið fjárhagsaðstoðar til framfærslu í lengri tíma, hafa átt við atvinnuleysi að stríða í lengri tíma eða eru lífeyrisþegar. Hámark aðstoðar skal vera 55.000 kr. á ári.

Heimilt er að veita einstaklingum sem búa við mikla og langvarandi félagslega erfiðleika eða fjölskyldum sem hafa orðið fyrir alvarlegum áföllum fjárhagsaðstoð til greiðslu viðtala hjá félagsráðgjöfum, sálfræðingum, geðlæknum og sérfræðingum í fjármálaráðgjöf ef það er liður í umfangsmeiri félagslegri aðstoð og fyrirsjáanlegt að eigi sé hægt að veita þjónustuna innan Fjölskyldudeildar eða á vegum heilbrigðisstofnana.

Hámark aðstoðar er 60.000 kr. á ári.

Heimilt er að veita einstaklingum sem búa við mikla og langvarandi félagslega erfiðleika aðstoð við kaup á hjálpartækjum svo sem gleraugum og heyrnartækjum ef aðrir aðilar gera það ekki.. Hámark aðstoðar er 45.000 kr. á ári.

27. gr.

### **Útfararstyrkir.**

Heimilt er að veita aðstoð til greiðslu útfararkostnaðar þegar staðreynt hefur verið að dánarbú getur ekki staðið undir útför hins látna. Hámarksaðstoð er 250.000- kr. Til frádráttar koma mögulegar eignir búins og styrkur t.d. frá stéttarfélagum.

Eftirfarandi gögn þurfa að fylgja umsókn um útfararstyrk: Staðfest ljósrit af skattframtali hins látna, launaseðlar og greiðslufirlit frá tryggingum og lífeyrissjóðum, staðfesting frá stéttarfélagi um rétt til útfararstyrks, tilkynning sýslumanns um skiptalok á grundvelli eignayfirlýsingar, sbr. 25. gr. laga um skipti á dánarbúum, o.fl., nr. 20/1991, eða einkaskiptaleyfi útgefið af sýslumanni til erfingja skv. 31. gr. sbr. 28. gr. laga um skipti á dánarbúum o.fl.

Heimilt er að veita eftirlifandi maka lán eða styrk vegna útfararkostnaðar þegar dánarbúið getur ekki greitt fyrir útför hins látna og eignir eftirlifandi maka eru ekki aðrar en íbúðarhúsnæði sem umsækjandi býr í.

Heimilt er að veita foreldri eða foreldrum sem hafa tekjur á eða undir grunnfjárhæð fjárhagsaðstoð vegna útfararkostnaðar barns.

Samþykkt aðstoðar greiðist gegn framvísun reiknings frá útfararstofu og annarra gagna um kostnað vegna útfarar.

28. gr.

### **Áfallaaðstoð.**

Heimilt er að veita tekjulágum einstaklingum eða fjölskyldum fjárhagsaðstoð vegna skyndilegs missis búslóðar eða annars eignamissis sem orðið hefur vegna bruna eða náttúruhamfara. Einnig þegar rýma þarf íbúð af heilbrigðisástæðum er heimilt að veita aðstoð til kaupa á búslóð. Aðstoðin kemur einungis til álita þegar tjónþoli hefur ekki haft heimilistryggingu eða aðra tryggingu sem bætir tjónið. Hámarksaðstoð er 100.000 kr.

Heimilt er að veita fjárhagsaðstoð vegna alvarlegra veikinda nánustu fjölskyldu, barns, maka eða foreldris. Miða skal við að fjárhagur sé þröngur og að um mikla röskun á högum sé að ræða. Aðstoðin skal að öðru jöfnu veitt vegna ferðakostnaðar og uppihalds ef aðrir aðilar svo sem Tryggingastofnun ríkisins veita ekki aðstoð. Gert er ráð fyrir að viðkomandi sækji til skattstjóra um lækkun skatta vegna sömu aðstæðna. Hámarksaðstoð er 250.000 kr.

29. gr.

### **Lán til fyrirframgreiðslu húsaleigu og til tryggingar húsaleigu.**

Heimilt er að veita þeim sem hafa haft tekjur við eða undir grunnfjárhæð í mánuðinum sem sótt er um og í mánuðinum á undan lán til fyrirframgreiðslu húsaleigu. Þinglýstur húsaleigusamningur skal liggja fyrir eða önnur staðfesting um að samningur eigi við rök að styðjast ásamt staðfestri umsókn um húsaleigubætur. Miða skal við að leigufjárhæð sé í samræmi við leigu á almennum markaði.

Heimilt er að veita lán til greiðslu tryggingagjalds vegna húsaleigu sem svarar 3ja mánaða leigu. Skilyrði er að viðkomandi hafi ekki aðgang að lánafyrirgreiðslu hjá bönkum eða lánastofnunum.



Hámarksaðstoð er 250.000 kr.

30. gr.

**Aðstoð vegna sérstakra fjárhagserfiðleika.**

Heimilt er að veita einstaklingum, hjónum eða sambúðarfólki lán eða styrk vegna mikilla fjárhagslegra og félagslegra erfiðleika, að uppfylltum öllum neðangreindum skilyrðum:

- a) staðfest sé að umsækjandi hafi ekki aðgang að lánaþyrirgreiðslu banka, sparisjóða eða annarra lánastofnana.
- b) fyrir liggi yfirlit starfsmanns Fjölskyldudeildar eða Umboðsmanns skuldara um fjárhagsstöðu umsækjanda og tillögur að úrbótum þegar við á.
- c) fyrir liggi á hvern hátt lán eða styrkur muni bæta fjárhagsstöðu umsækjanda til lengri tíma er litið.

Aðstoð samkvæmt þessari grein er veitt vegna barna, þ.e. leikskólaskuld, skuld vegna skólagæslu og fæðis í skóla og ennfremur vegna húsnæðis, þ.e. húsaleigu, fasteignagjalda, rafmagns og hita.

Þegar um lán er að ræða skal greiðsluáætlun fylgja með umsókn.

Eigi er heimilt að veita styrk eða lán til greiðslu skulda við banka, sparisjóði eða aðrar lánastofnanir, s.s. greiðslukortafyrirtæki. Þá er hvorki heimilt að veita styrk eða lán til greiðslu skattaskulda og sekta, né heldur til greiðslu skulda við einkaaðila.

Hámarksaðstoð er 200.000 kr.

31. gr.

**Sérstök fjárhagsaðstoð í desember.**

Heimilt er að veita sérstaka desemberuppbót sem nemur allt að 25% af grunnfjárhæð. Fjárhagsaðstoð í desember skal einkum veita barnafjölskyldum sem eiga við félagslega og fjárhagslega erfiðleika að etja. Heimilt er að taka sérstakt tillit til barna sem nemur 18.000 kr. á barn. Við útreikning skal draga frá þær tekjur sem umsækjandi hefur umfram kvarða.

## V. kafli. Málsmeðferð.

sbr. ákvæði stjórnisýslulaga, nr. 37/1993, og ákvæði XV. og XVI. kafla laga um félagsþjónustu sveitarfélaga.

32. gr.

### **Könnun á aðstæðum.**

Kanna skal aðstæður umsækjanda svo fljótt sem unnt er eftir að umsókn um fjárhagsaðstoð hefur borist. Sama á við ef Fjölskyldudeild berast upplýsingar um nauðsyn á aðstoð með öðrum hætti.

Fjölskyldudeild skal taka ákvörðun í máli svo fljótt sem unnt er og sjá jafnframt til þess að mál sé nægjanlega upplýst áður en ákvörðun er tekin.

33. gr.

### **Samvinna við umsækjanda.**

Öflun gagna og upplýsinga skal unnin í samvinnu við umsækjanda. Við meðferð umsóknar og ákvarðanatöku skal leitast við að hafa samvinnu og samráð við umsækjanda eftir því sem unnt er, að öðrum kosti umboðsmann hans ef við á. Umboðsmaður skal framvísa skriflegu umboði.

34. gr.

### **Varðveisla gagna, trúnaður og aðgangur að gögnum.**

Málgögn er varða persónulega hagi einstaklinga skulu varðveitt með tryggilegum hætti. Hafi starfsmenn kynnst einkahögum umsækjanda eða annarra í starfi sínu er þeim óheimilt að fjalla um þau mál við óviðkomandi nema að fengnu samþykki viðkomandi.

Umsækjandi á rétt á að kynna sér upplýsingar úr skráðum gögnum sem varða mál hans að svo miklu leyti sem það stangast ekki á við trúnað gagnvart öðrum.

35. gr.

### **Leiðbeiningar til umsækjanda.**

Við afgreiðslu umsóknar skal starfsmaður bjóða umsækjanda félagslega og fjárhagslega ráðgjöf og veita upplýsingar og leiðbeiningar um réttindi sem hann kann að eiga annars staðar. Berist skriflega erindi sem ekki snertir Fjölskyldudeild, skal starfsmaður í samráði við umsækjanda framsenda erindið á réttan stað svo fljótt sem auðið er.

36. gr.

### **Rangar eða villandi upplýsingar.**

Fjárhagsaðstoð veitt á grundvelli rangra eða villandi upplýsinga af hendi þess sem aðstoðina fær er endurkræf og getur Fjölskyldudeild endurkrafíð viðkomandi um fjárhæðina samkvæmt almennum reglum kröfuréttar. Ef sannreynt er við vinnslu málsins að upplýsingar sem umsækjandi hefur veitt eru rangar eða villandi stöðvast afgreiðsla umsóknarinnar.

37. gr.

### **Heimildir til ákvarðana samkvæmt reglum þessum.**

Framkvæmdastjóri Fjölskyldudeildar eða starfsmenn í umboði hans taka ákvarðanir samkvæmt reglum þessum.

38. gr.

#### **Kynning á ákvörðun um fjárhagsaðstoð og áfrýjunarréttur.**

Kynna skal niðurstöðu umsóknar svo fljótt sem unnt er. Sé umsókn hafnað í heild eða að hluta skal umsækjandi fá skriflegt svar þar sem ákvörðun er rökstudd með skýrum hætti með vísan til laga um félagsþjónustu sveitarfélaga og reglna sveitarfélagsins um fjárhagsaðstoð og kynna honum um leið rétt hans til áfrýjunar til félagsmálaráðs Akureyrar.

39. gr.

#### **Málskotsréttur og endurupptaka máls.**

Telji umsækjandi á rétt sinn hallað skv. reglum þessum er honum heimilt að vísa ákvörðun hlutaðeigandi starfsmanna til félagsmálaráðs innan 4 vikna frá því honum barst vitneskja um ákvörðun. Félagsmálaráð skal fjalla um umsókn og taka ákvörðun svo fljótt sem unnt er.

Umsækjandi getur skotið ákvörðun félagsmálaráðs til úrskurðarnefndar félagsþjónustu og húsnæðismála. Skal það gert innan þriggja mánaða frá því umsækjanda barst vitneskja um ákvörðun félagsmálaráðs.

40. gr.

#### **Endurupptaka máls**

Umsækjandi getur óskað þess að mál sé tekið til meðferðar á ný ef afgreiðsla félagsmálaráðs á umsókn hans hefur byggst á ófullnægjandi eða röngum upplýsingum um málsatvik eða ákvörðun hefur byggst á atvikum sem breyst hafa verulega frá því að ákvörðun var tekin. Beiðni um endurupptöku skal beina til bæjarráðs, innan 3ja mánaða frá birtingu ákvörðunar.

Meti bæjarráð að lagaleg skilyrði séu fyrir hendi, er erindi um endurupptöku vísað til félagsmálaráðs til málsmeðferðar. Efnisatriði máls skulu ekki lögð fyrir bæjarráð.

*Reglur þessar voru samþykktar í bærarstjórn 14. desember 2004 og tóku gildi 1. janúar 2005.  
með breytingum samþykktum í félagsmálaráði 23. janúar 2006 og í bærarstjórn 6. febrúar 2007.  
með breytingum samþykktum í félagsmálaráði 11. janúar 2010 í bærarstjórn 19. janúar 2010.  
með breytingum samþykktum í félagsmálaráði 12. janúar 2011 í bæjarráði 20. janúar 2011 og í bærarstjórn 1. febrúar 2011.  
með breytingum samþykktum í félagsmálaráði 11. janúar 2012 í bæjarráði 19. janúar 2012 og í bærarstjórn 7. febrúar 2012.  
með breytingum samþykktum í félagsmálaráði 23. janúar 2013 og í bæjarráði 31. janúar 2013.  
með breytingum samþykktum í félagsmálaráði 22. janúar 2014 og í bærarstjórn 4. febrúar 2014.  
með breytingum á framfærslugrunni skv 16 gr 1. febrúar 2015.*